

ЧАСЫ И ИЗОБРАЗИТЕЛЬНЫ ¹

ЧАС ПЕРВЫЙ

Молитвами святых отец наших, Господи Иисусе Христе, Боже наш, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. (Трижды.)

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды). Слава, и ныне:

Отче наш, Иже еси на Небесех, да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Господи, помилуй. (12 раз). Слава, и ныне:

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 5.

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселится к Тебе лукавнуяй, ниже пребудут беззаконницы пред очима Твоима:

¹ При богослужении в храме 1-й час завершает утреню, 3-й и 6-й часы читаются перед литургией, 9-й час – перед вечерней. В нашем молитвослове часы объединены для удобства домашнего и келейного чтения.

Изобразительны – богослужение, совершаемое вместо литургии, когда ее не бывает, или соединяемое с литургией, когда она совершается. В просторечии эта служба называется иначе обедницей. Название изобразительных дано богослужению потому, что оно есть изображение, некоторый образ Божественной литургии. Если православный христианин не присутствовал на литургии в храме в будние дни, то он может прочитать дома часы и последование изобразительных.

возненавидел еси вся делающия беззаконие, погубиши вся глаголющия лжу; мужа кровей и лстива гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их, языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающии на Тя, во век возрадуются, и вселишися в них и похвалятся о Тебе любящии имя Твое. Яко Ты благословиши праведника, Господи, яко оружием благоволения венчал еси нас.

Псалом 89.

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража нощная. Уничужения их лета будут. Утро яко трава мимоидет, утро процветет и преидет: на вечер отпадет ожестеет и исхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою; век наш в просвещение лица Твоего. Яко вси дни наши оскудеша, и гневом Твоим исчезохом, лета наша яко паучина поучахуся. Дни лет наших, в нихже седьдесят лет, аще же в силах, осьмьдесят лет, и множае их труд и болезнь; яко прииде кротость на ны, и накажемся. Кто вест державу гнева Твоего, и от страха Твоего, ярость Твою исчести? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100.

Милость и суд воспою Тебе, Господи. Пою и разумю в пути непорочне, когда приидеши ко мне? Прехождях в незлобии сердца моего посреде дому моего. Не предлагал пред очима моима вещь законопреступную: творящия преступление возненавидех. Не прильпе мне сердце строптиво, уклоняющагося от мене лукаваго не познах. Оклеветавшаго тай искренняго своего, сего изгонях; гордым оком, и несытым сердцем, с сим не ядах. Очи мои на верныя земли, посадати я со мною; ходяй по пути непорочну, сей ми служаше. Не живяше посреде дому моего творяй гордыню, глаголяй

неправедная, не исправляше пред очима мойма. Во ўтрия избивах вся грѣшныя земли, еже потребити от града Господня вся дѣлающия беззаконие.

Слава, и ныне: Аллилу́ия, аллилу́ия, аллилу́ия, сла́ва Тебе́, Бо́же. (Трижды.)

Го́споди, помилуй. (Трижды.)

Слава: тропарь праздника или святого².

И ныне: *Богородичен*: Что Тя наречѣм, о Благодѣтная? Небо, яко возсияла еси Сѡлнце правды; рай, яко прозябла еси цвет нетленія; Дѣву, яко пребыла еси нетленна; чистую Матерь, яко имела еси на святыхъ Твоихъ объятіяхъ Сына, всехъ Бога, Того моли спастися душамъ нашимъ.

[Если Великий пост, то вместо тропаря святого читаем:

Тропарь часа, глас 6-й

Заўтра услыши глас мой, Царю мой и Бо́же мой.

Стих 1: Глаголы моя внуши, Го́споди, разумей званіе мое.

Заўтра услыши глас мой, Царю мой и Бо́же мой.

Стих 2: Яко к Тебе́ помолюся, Го́споди.

Заўтра услыши глас мой, Царю мой и Бо́же мой.

Слава, и ныне: Богородичен: Что Тя наречѣм, о Благодѣтная? Небо, яко возсияла еси Сѡлнце правды; рай, яко прозябла еси цвет нетленія; Дѣву, яко пребыла еси нетленна; чистую Матерь, яко имела еси на святыхъ Твоихъ объятіяхъ Сына, всехъ Бога, Того моли спастися душамъ нашимъ.]

Стопы́ моя направи по словеси́ Твоему́, и да не обладает мною всякое беззаконие. Избави мя от клеветы́ человѣческой, и сохрани́ заповѣди Твоя́. Лице́ Твое́ просвети́ на раба́ Твоего́, и научи́ мя оправданіемъ Твоимъ.

Да исполнятся уста́ моя хвалѣнія Твоего́, Го́споди, яко да воспую́ славу́ Твою́, весь день великолѣпіе Твое́.

² Это значит, что в будни читается тропарь святому, в воскресенье – воскресный тропарь соответствующего гласа, в праздники – тропарь праздника. Если положен один тропарь, он читается на «Слава». Если два тропаря (память двух святых или воскресенье и святой), то первый тропарь читается после «Господи, помилуй», второй – на «Слава». Если три тропаря, то тропарь важнейшего празднества читается после «Господи, помилуй», а два других тропаря читаются на часах попеременно на «Слава». Так, если в воскресенье случится предпразднство (или попразднство) и святой великий, то на всех часах первым читается тропарь воскресный. На «Слава» – на первом и шестом часах читается тропарь предпразднства (или попразднства), на третьем же и девятом – тропарь святому.

Трисвятое. Пресвятая Троице: Отче наш:
Кондак праздника или святого.

[Если Великий пост, читаем вместо кондака святого Богородичен:

В понедельник, вторник и четверг: Пресла́вную Бо́жию Ма́терь, и святы́х Ангел Святéйшую, немóлчно воспоём сёрдцем и усты́, Богоро́дицу Сию́ испове́дающе, я́ко вои́стинну ро́ждшую Бо́га воплощённа, и моля́щуюся непреста́нно о душа́х на́ших.

В среду и пятницу: Ско́ро предва́ри, прэ́жде да́же не порабо́тимся враго́м ху́лящим Тя, и претя́щим нам, Христе́ Бо́же наш, погуби́ Кресто́м Твои́м борю́щая нас, да уразуме́ют, ка́ко мо́жет правосла́вных ве́ра, моли́твами Богоро́дицы, Еди́не Человеколю́бче.

В субботу: Я́ко нача́тки естества́, Насади́телю тва́ри, вселénная прино́сит Ти, Го́споди, богоно́сныя му́ченики. Тех моли́твами в ми́ре глубо́че Це́рковь Твою́, жи́тельство Твое́, Богоро́дицею соблюди́, Многоми́лостиве.]

Господи, помилуй. (40 раз).

Иже на всякое время, и на всякий час, на небеси́ и на земли́ покланя́емый и сла́вимый, Христе́ Бо́же, долготерпели́ве, многоми́лостиве, многоблагоутро́бне, Иже пра́ведныя любя́й, и грéшныя ми́луй, Иже вся зовы́й ко спасéнию обеща́ния ра́ди бу́дущих благ, Сам, Го́споди, приими́ и на́ша в час сей моли́твы, и испра́ви живо́т наш к за́поведем Твои́м, ду́ши на́ша освяти́, телеса́ очисти́, помышлéния испра́ви, мы́сли очисти́, и изба́ви нас от всякия ско́рби, зол и болéзней, огради́ нас святы́ми Твои́ми а́нгелы, да ополчéнием их соблюда́еми и наставля́еми, достигнем в соединéние ве́ры и в ра́зум непристу́пныя Твоея́ сла́вы, я́ко благословéн еси́ во ве́ки веко́в, аминь.

Господи, помилуй. (Трижды.) Слава, и ныне:

Честне́йшую Херувим и сла́внейшую без сравне́ния Серафим, без ислéния Бо́га Сло́ва ро́ждшую, су́щую Богоро́дицу Тя велича́ем.

Именем Господним благослови, отче.³

Моли́твами святы́х отец на́ших, Го́споди Иису́се Христе́ Бо́же наш, помилуй нас. Ами́нь.

[Если Великий пост:

Молитва св. Ефрема Сирина:

Го́споди и Влады́ко животá моего, дух пра́здности, уны́ния, любонача́лия и праздносло́вия не даждь ми. (Земной поклон.)

Дух же целому́дрия, смиренному́дрия, терпéния и любве́ да́руй

³ Это возгласение на келейной молитве есть мысленное обращение к отцу своему духовному, по благословению которого совершается всякая домашняя молитва. Это сохраняет молящегося от всякого самочиния.

ми, рабу́ Твоему́. (*Земной поклон.*)

Ей Го́споди, Царю́, да́руй ми зрѣти моѧ прегрѣшенія и не осужда́ти брата моего́; я́ко благословѣн еси́ во ве́ки веко́в. Ами́нь. (*Земной поклон.*)

12 поясных поклонов с молитвой:

Бо́же, очисти мя грѣшнаго.

И повторяется вся молитва полностью:

Го́споди и Влады́ко... Дух же целому́дрія... Ей Го́споди, Царю́... (*И поклон один земной.*)]

Христѣ́, Свѣте́ и́стинный, просвѣща́яй и освяща́яй вся́каго челове́ка, гряду́щаго в мир, да зна́менается на нас свет лица́ Твоего́, да в нем у́зрим свет непристу́пный; и исправи́ стопы́ на́ша к де́ланию за́поведей Твои́х, моли́твами Пречи́стыя Твоея́ Ма́тере, и всех Твои́х святы́х. Ами́нь.

ЧАС ТРЕТИЙ

Прииді́те, поклоні́мся, Царѣви на́шему Бо́гу.

Прииді́те, поклоні́мся и припаде́м Христу́, Царѣви на́шему Бо́гу.

Прииді́те, поклоні́мся и припаде́м Самому́ Христу́, Царѣви и Бо́гу на́шему.

Псалом 16

Услы́ши, Го́споди, пра́вду мою́, вонми́ моле́нию моему́, внуши́ моли́тву мою́ не во устна́х льсти́вых. От лица́ Твоего́ судьба́ моя́ изы́дет, о́чи мои́ да ви́дита правоты́. Искусил еси́ се́рдце мое́, посетил еси́ но́щию, искусил мя еси́, и не обрѣ́теся во мне неправда́. Я́ко да не возглаго́лют уста́ моя́ дел челове́ческих, за словеса́ устен Твои́х аз сохрани́х пути́ же́стоки. Соверши́ стопы́ моя́ во стезя́х Твои́х, да не подви́жутся стопы́ моя́. Аз воззва́х, я́ко услы́шал мя еси́, Бо́же, приклони́ у́хо Твое́ мне и услы́ши глаго́лы моя́. Удиви́ ми́лости Твоя́, спаса́яй упова́ющія на Тя от проти́влящихся десни́це Твое́й. Сохрани́ мя, Го́споди, я́ко зе́ницу о́ка, в кро́ве крилу́ Твоею́ покры́еши мя, от лица́ нечести́вых остра́стших мя. Врази́ мои́ ду́шу мою́ одержа́ша, тук свой затвори́ша, уста́ их глаго́лаша горды́ню. Изгоня́щии мя ны́не обыдо́ша мя, о́чи свои́ возложи́ша уклоні́ти на зе́млю. Объя́ша мя я́ко лев гото́в на лов и я́ко скімен обита́яй в та́йных. Воскресни́, Го́споди, предвари́ я́ и запни́ им, изба́ви ду́шу мою́ от нечести́ваго, ору́жие Твое́ от враг ру́ки Твоея́. Го́споди, от ма́лых от земли́, раздели́ я́ в животѣ́ их, и сокровѣ́нных Твои́х исполнися чре́во их. Насы́тишася сы́нов, и оста́виша оста́нки младенце́м своим. Аз же пра́вдою явлю́ся лицу́ Твоему́, насы́щуся, внигда́ явити ми ся сла́ве Твое́й.

Псалом 24.

К Тебѣ, Господи, воздвигохъ душу мою. Божѣ мой, на Тя уповахъ, да не постыжуся во векъ, ниже да посмеютъ ми ся врази мои. Ибо вси терпящии Тя не постыдятся. Да постыдятся беззаконнующии вотще. Пути Твоя, Господи, скажи ми, и стезямъ Твоимъ научи мя. Настави мя на истину Твою, и научи мя; яко Ты еси Богъ Спас мой, и Тебѣ терпѣхъ весь день. Помяни щедроты Твоя, Господи, и милости Твоя, яко отъ века суть. Грѣхъ юности моея, и неведения моего не помяни; по милости Твоей помяни мя Ты, ради благодати Твоея, Господи. Благъ и правъ Господь, сего ради законоположитъ согрѣшающимъ на пути. Наставитъ кроткיא на судъ, научитъ кроткיא путемъ Своимъ. Все пути Господни милость и истина, взыскающимъ завета Его, и свидѣния Его. Ради имени Твоего, Господи, и очисти грѣхъ мой, многъ бо есть. Кто есть человекъ бояйся Господа? Законоположитъ ему на пути, егѣже изволи. Душа его во благихъ водворится, и сѣмя его наследитъ зѣмлю. Держава Господь боящихся Его, и заветъ Его явитъ имъ. Очи мои выну ко Господу, яко Той исторгнетъ отъ сети нозе мои. Призри на мя и помилуй мя, яко единородъ и нищъ есмь азъ. Скорби сердца моего умножишася, отъ нуждъ моихъ изведи мя. Виждь смиреніе мое, и трудъ мой, и остави вся грѣхи моя. Виждь враги моя, яко умножишася, и ненавидѣніемъ неправеднымъ возненавидѣша мя. Сохрани душу мою, и избави мя, да не постыжуся, яко уповахъ на Тя. Незлобиви и правии прилепляхуся мне, яко потерпѣхъ Тя, Господи. Избави, Божѣ, Израиля отъ всехъ скорбей его.

Псалом 50

Помилуй мя, Божѣ, по велицей милости Твоей, и по множеству щедротъ Твоихъ очисти беззаконіе мое. Наипаче омой мя отъ беззаконія моего, и отъ грѣха моего очисти мя. Яко беззаконіе мое азъ знаю и грѣхъ мой предо мною есть вина. Тебѣ Единому согрѣшихъ, и лукавое предъ Тобою сотворихъ, яко да оправдишися во словесахъ Твоихъ и победиши, внигда судити Ти. Се бо в беззаконіихъ зачатъ есмь, и во грѣсѣхъ роди мя мати моя. Се бо истину возлюбилъ еси, безвѣстная и тайная премудрости Твоея явилъ ми еси. Окропиши мя иссопомъ, и очищуся, омыеши мя, и паче снѣга убелюся. Слуху моему даси радость и веселіе, возрадуются кости смиренныя. Отврати лице Твое отъ грѣхъ моихъ, и вся беззаконія моя очисти. Сердце чисто созижди во мнѣ, Божѣ, и духъ правъ обнови во утробѣ моей. Не отвержи мене отъ лица Твоего, и Духа Твоего Святаго не отыми отъ мене. Воздаждь ми радость спасенія Твоего, и Духомъ Владычнимъ утверди мя. Научу беззаконныя путемъ Твоимъ, и нечестивии къ Тебѣ обратятся. Избави мя отъ кровей, Божѣ, Божѣ спасенія моего; возрадуется языкъ мой правде Твоей. Господи, устне мои отверзеши, и уста моя возвестятъ хвалу Твою. Яко аще бы восхотѣлъ еси жертвы, далъ быхъ убо, всесожженія не благоволиши.

Жертва Богу дух сокрушен, сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы

Слава, и ныне: Аллилуия, аллилуия, аллилуия, слава Тебе, Боже. (Трижды.)

Господи, помилуй. (Трижды.)

Слава: тропарь праздника или святого.

И ныне: Богородичен: Богородице, Ты еси лоза истинная, возрастившая нам Плод живота, Тебе молимся, молися, Владычице, со святыми апостолы, помилovati души наша.

[Если Великий пост:

Тропарь, глас 6-й:

Господи, Иже Пресвятаго Твоего Духа в третий час апостолом Твоим низпославый, Того, Благий, не отыми от нас, но обнови нас, молящих Ти ся.

Стих 1: Сердце чисто созижди во мне, Боже, и дух прав обнови во утробе моей.

Господи, Иже Пресвятаго Твоего Духа в третий час апостолом Твоим низпославый, Того, Благий, не отыми от нас, но обнови нас, молящих Ти ся.

Стих 2: Не отвержи мене от лица Твоего, и Духа Твоего Святаго не отыми от мене.

Господи, Иже Пресвятаго Твоего Духа в третий час апостолом Твоим низпославый, Того, Благий, не отыми от нас, но обнови нас, молящих Ти ся.

Слава, и ныне, Богородичен: Богородице, Ты еси лоза истинная, возрастившая нам Плод живота, Тебе молимся, молися Владычице, со святыми апостолы, помилovati души наша.]

Господь Бог благословен, благословен Господь день дне, поспешит нам Бог спасений наших; Бог наш, Бог спасати.

Трисвятое. Пресвятая Троице: Отче наш:

Кондак праздника, или святого.

[Если Великий пост:

Тропари, глас 8-й:

Благословѣн еси Христѣ Бѣже наш, Иже премудры ловцы явлей, низпослав им Духа Святаго, и теми уловлей вселенную, Человеколюбче, слава Тебѣ.

Слава: Скорое и известное даждь утешение рабом Твоим, Иисусе, вегда унывати духом нашим, не разлучайся от душ наших в скорбех, не удаляйся от мыслей наших во обстояниих, но присно нас предвари. Приблизися нам, приблизися вездѣ Сый, якоже со апостолы Твоими всегда еси, сице и Тебѣ желающим соедини Себѣ, Щедре, да совокуплени Тебѣ поем и славословим Всесвятаго Духа Твоего.

И ныне: Надежда, и предстательство, и прибежище христиан, необоримая стена, изнемогающим пристанище небурное, Ты еси Богородице Пречистая; но яко мир спасающая непрестанною Твоею молитвою, помяни и нас, Дѣво Всепетая.]

Господи, помилуй. (40 раз).

Иже на всякое время, и на всякий час, на небеси и на земли покланяемый и славимый, Христѣ Бѣже, долготерпеливе, многомилостиве, многоблагоутробне, Иже праведныя любяй, и грешныя милуяй, Иже вся зовый ко спасению обещания ради будущих благ, Сам, Господи, прими и наша в час сей молитвы, и исправи живот наш к заповедем Твоим, души наша освяти, телеса очисти, помышления исправи, мысли очисти, и избави нас от всякия скорби, зол и болезней, оградѣ нас святыми Твоими ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи, помилуй. (Трижды.) Слава, и ныне:

Честнейшую Херувим и славнейшую без сравнения Серафим, без исления Бога Слова рождшую, сущую Богородицу Тя величаем.

Именем Господним благослови, отче.

Молитвами святых отец наших, Господи Иисусе Христѣ Бѣже наш, помилуй нас. Аминь.

Молитва святаго Мардария:

Владыко Бѣже Отче Вседержителю, Господи Сыне Единородный Иисусе Христѣ, и Святыи Душе, единое Божество, единая сила, помилуй мя грешнаго, и имиже веси судьбами, спаси мя, недостойнаго раба Твоего; яко благословен еси во веки веков, аминь.

ЧАС ШЕСТОЙ

Приидите, поклонимся, Царѣви нашему Богу.

Приидите, поклонимся и припадѣм Христу, Царѣви нашему Богу.

Приидите, поклонимся и припадём Самому Христу, Царёви и Богу нашему.

Псалом 53

Бóже, во имя Твое спаси мя, и в силе Твоей суди ми. Бóже, услыши молитву мою, внуши глаголы уст моих. Яко чуждии восташа на мя и крепцыи взыскаша душу мою, и не предложаша Бóга пред собою. Се бо Бог помогает ми, и Господь Заступник души моей. Отвратит злая врагом моим, истиною Твоею потреби их. Волею пожру Тебе, исповемся имени Твоему, Господи, яко благо. Яко от всякия печали избавил мя еси, и на враги моя воззрe око моe.

Псалом 54

Внуши, Бóже, молитву мою и не презри молeния моего. Вонми ми и услыши мя; возскорбeх печалию моею и смятохся от гласа вражия и от стужения грешника. Яко уклониша на мя беззаконие и во гневе враждовашу ми. Сердце мое смятeся во мне и боязнь смерти нападе на мя. Страх и трепет прииде на мя и покры мя тьма. И рех: кто даст ми криле, яко голубине, и полещу, и почию? Се удалихся бегая и водворихся в пустыни. Чаях Бóга, спасающаго мя от малодушия и от бури. Потопи, Господи, и раздели языки их, яко видех беззаконие и пререkanie во граде. Днем и нощию обыдет и по стенам его; беззаконие и труд посреде его и неправда; и не оскуде от стогн его лихва и лeсть. Яко аще бы враг поносил ми, претерпел бых убо; и аще бы ненавидял мя на мя велеречевал, укрыл бых ся от него. Ты же, человеце равнодушне, владыко мой и знаемый мой; иже купно наслаждался еси со мною брашен, в дому Бóжии ходихом единомышлением. Да придет же смерть на ня, и да снудут во ад живи; яко лукавство в жилищах их, посреде их. Аз к Бóгу возвах, и Господь услыша мя. Вечер и заутра, и полудне повем, и возвещу, и услышит глас мой. Избавит миром душу мою от приближающихся мне, яко во мнозе бяху со мною. Услышит Бог и смирит я, Сый прежде век. Несть бо им изменения, яко не убояшася Бóга. Простре руку свою на воздаяние, оскверниша завет Его. Разделишася от гнева лица Его, и приближишася сердца их; умякнуша словеса их паче елeя, и та суть стрелы. Возвeрзи на Господа печаль твою, и Той тя препитает, не даст в век молвы праведнику. Ты же, Бóже, низведeши я в студенец истления, мужие кровей и лeсти не преполовят дней своих. Аз же, Господи, уповаю на Тя.

Псалом 90

Живый в помощи Вышняго, в крове Бóга Небеснаго водворится. Речет Господеву: Заступник мой еси и Прибежище мое, Бог мой, и

уповаю на Него. Яко Той избавит тя от сѣти лѡвчи, и от словесѣ мятѣжна, плещма Своима осенит тя, и под крилѣ Его надеешься: ору́жием обы́дет тя истина Его, не убойшия от страха ношнаго, от стрелы летящая во дни, от вещи во тьме преходящая, от сряща, и бѣса полуденнаго. Падѣт от страны Твоея тысяща, и тьма одесную Тебѣ, к Тебѣ же не приблизится. Обаче очима Твоима смѡтриши, и воздаяние грѣшников узриши. Яко Ты, Господи, упование мое, Вышняго положил еси прибежище Твое. Не придет к Тебѣ зло, и рана не приблизится телеси Твоему. Яко Ангелом Своим заповѣсть о Тебѣ, сохранити тя во всех путѣх твоих. На руках возмут тя, да не когда преткнеши о камень ногу твою. На аспида и василиска наступиши, и попереши льва и змия. Яко на Мя упова, и избавлю ю; покрью ю, яко позна имя Моѣ. Воззовет ко Мне, и услышу его; с ним есмь в скорби, изму его, и прославлю его, долготою дней исполню его, и явлю ему спасение Моѣ.

Слава, и ныне: Аллилу́ия, аллилу́ия, аллилу́ия, слава Тебѣ, Бѡже.
(Трижды.)

Господи, помилуй. (Трижды.)

Слава: тропарь праздника или святаго.

И ныне: *Богородичен*: Яко не имама дерзновения за премно́гия грехи́ наша, Ты иже от Тебѣ рѡждшагося моли, Богородице Дѣво: много бо может молѣние матернее ко благосѣрдию Владыки; не презри грѣшных мольбы, Всечистая, яко Милостив есть, и спасти́ могый, иже и страда́ти о нас изволивый.

[Если Великий пост:

Тропарь, глас 2-й:

Иже в шестый день же и час, на крестѣ пригвождѣй в раи дерзновенный Адамов грех, и согрешений наших рукописание раздери, Христѣ Бѡже, и спаси нас.

Стих 1: Внуши, Бѡже, молитву мою, и не презри молѣния моего.

Иже в шестый день же и час, на крестѣ пригвождѣй в раи дерзновенный Адамов грех, и согрешений наших рукописание раздери, Христѣ Бѡже, и спаси нас.

Стих 2: Аз к Бѡгу возвах, и Господь услыша мя.

Иже в шестый день же и час, на крестѣ пригвождѣй в раи дерзновенный Адамов грех, и согрешений наших рукописание раздери, Христѣ Бѡже, и спаси нас.

И ныне: *Богородичен*: Яко не имама дерзновения за премно́гия грехи́ наша, Ты иже от Тебѣ рѡждшагося моли, Богородице Дѣво: много бо может молѣние матернее ко благосѣрдию Владыки; не презри грѣшных мольбы, Всечистая, яко Милостив есть, и спасти́

могий, іже и страдати о нас изволивый.]

Скоро да предварят ны щедроты Твоя, Господи, яко обнищавом зело: помози нам, Боже Спасе наш, славы ради имене Твоего, Господи, избави нас, и очисти грехи наша, имене ради Твоего.

Трисвятое. Пресвятая Троице: Отче наш:

Кондак праздника или святого.

[Если Великий пост:

Тропари, глас 2-й

Спасение соделал еси посреде земли, Христе Боже, на Кресте пречистей рuce Твоей распростерл еси, собирая вся языки, зовущия: Господи, слава Тебе.

Слава: Пречистому образу Твоему поклоняемся, Благий, просяще прощения прегрешений наших, Христе Боже, волею бо благоволил еси плотию взыти на крест, да избавиши, яже создал еси, от работы вражия. Тем благодарственно вопием Ти: радости исполнил еси вся, Спасе наш, пришедый спасти мир.

И ныне:

В понедельник, вторник и четверг Богородичен: Милосердия сущи источник, милости сподоби нас, Богородице, призри на люди согрешившия, яви яко присно силу Твою; на Тя бо уповающе, радуйся, вопием Ти, якоже иногда Гавриил, Безплотных Архистратиг.

В среду и пятницу Крестобогородичен: Препрославлена еси, Богородице Дево, поем Тя; Крестом бо Сына Твоего низложися ад, и смерть умертвися, умерщвлении востахом, и живота сподобихомся, рай восприяхом, древнее наслаждение. Тем благодаряще, славословим, яко державнаго Христа Бога нашего, и единого Многомилостиваго.]

Господи, помилуй. (40 раз).

Иже на всякое время, и на всякий час, на небеси и на земли поклоняемый и славимый, Христе Боже, долготерпеливе, многомилостиве, многоблагодарне, Иже праведныя любяй, и грешныя милуяй, Иже вся зовый ко спасению обещания ради будущих благ, Сам, Господи, прими и наша в час сей молитвы, и исправи живот наш к заповедем Твоим, души наша освяти, телеса очисти, помышления исправи, мысли очисти, и избави нас от всякия скорби, зол и болезней, оградь нас святыми Твоими ангелы, да ополчением их соблюдаемы и наставляемы, достигнем в соединение веры и в разум неприступныя Твоея славы, яко благословен еси во

вѣки вѣкѡв, аминь.

Господи, помилуй. (*Трижды.*) Слава, и ныне:

Честнѣйшую Херувим и славнейшую без сравнѣния Серафим, без ислѣния Бѡга Слѡва рѡждшую, сущую Богородицу Тя величаем.

Именем Господним благослови, отче.

Молитвами святых отец наших, Господи Иисусе Христе Боже наш, помилуй нас. Аминь.

[Если Великий пост:

Молитва св. Ефрема Сирина:

Господи и Владыко живота моего, дух праздности, уныния, любоначалья и празднословия не даждь ми. (*Земной поклон.*)

Дух же целомудрия, смиренномудрия, терпения и любви даруй ми, рабу Твоему. (*Земной поклон.*)

Ей Господи, Царю, даруй ми зрѣти моя прегрѣшения и не осуждати брата моего; яко благословен еси во вѣки вѣкѡв. Аминь. (*Земной поклон.*)

12 поясных поклонов с молитвой:

Боже, очисти мя грешнаго.

И повторяется вся молитва полностью:

Господи и Владыко... Дух же целомудрия... Ей Господи, Царю... (*И поклон один земной.*)]

Молитва св. Василия Великого

Боже и Господи сил, и всея твари Содетелю, иже за милосердие безприкладныя милости Твоея Единороднаго Сына Твоего, Господа нашего Иисуса Христа, низпославый на спасение рода нашего, и честным Его Крестом рукописание грех наших растерзавый, и победивый тем начала и власти тьмы; Сам, Владыко Человеколюбче, прими и нас грешных благодарственная сия и молебныя молитвы, и избави нас от всякаго всегубительнаго и мрачнаго прегрѣшения, и всех озлобити нас ищущих, видимых и невидимых враг. Пригвозди страху Твоему плоти наша, и не уклони сердец наших в словеса или помышления лукавствия; но любовьию Твоею уязви души наша, да к Тебе всегда взирающе, и еже от Тебе светом наставляеми, Тебе неприступнаго и присносущнаго зряще света, непрестанное Тебе исповѣдание и благодарение возсылаем, Безначальному Отцу со Единородным Твоим Сыном, и Всесвятым, и Благим, и Животворящим Твоим духом, ныне и присно и во вѣки вѣкѡв. Аминь.

ДЕВЯТЫЙ ЧАС

Приидите, поклонимся, Цареві нашему Богу.

Приидите, поклонимся и припадём Христу, Царю нашему Богу.
Приидите, поклонимся и припадём Самому Христу, Царю и Богу
нашему.

Псалом 83

Коль возлюбленна селения Твоя, Господи сил! Желает и
скончается душа моя во дворы Господни; сердце мое и плоть моя
возрадовастся о Боже Живе. Ибо птица обрете себе храмину, и
гоблица гнездо себе, идеже положит птенцы своя; олтари Твоя,
Господи сил, Царю мой и Боже мой. Блажени живущии в дому
Твоём: в веки веков восхвалят Тя. Блажен муж, емуже есть
заступление его у Тебе, восхождения в сердце своём положи, во
юдоль плачевную, в место еже положи: ибо благословение даст
законополагаяй. Пойдут от силы в силу: явится Бог богов в Сионе.
Господи Боже сил, услыши молитву мою, внуши, Боже Иаковль.
Защитниче наш, виждь, Боже, и призри на лице Христа Твоего.
Яко лучше день един во дворах Твоих паче тысяч; изволих
приметаться в дому Бога моего паче, неже жити ми в селениях
грешниих. Яко милость и истину любит Господь, Бог благодать и
славу даст: Господь не лишит благих, ходящих незлобием. Господи
Боже сил, блажен человек уповаяй на Тя.

Псалом 84

Благоволил еси, Господи, землю Твою, возвратил еси плен
Иаковль. Оставил еси беззакония людей Твоих, покрыл еси вся
грехи их. Укротил еси весь гнев Твой, возвратился еси от гнева
ярости Твоея. Возврати нас, Боже спасений наших, и отврати
ярость Твою от нас. Еда во веки прогневаешия на ны, или
прострещи гнев Твой от рода в род? Боже, Ты обращаеши оживиши
ны, и людие Твои возвеселятся о Тебе. Яви нам, Господи, милость
Твою, и спасение Твое даждь нам. Услышу, что речёт о мне
Господь Бог: яко речёт мир на люди Своя, и на преподобныя Своя,
и на обращающия сердца к Нему. Обаче близ боящихся Его
спасение Его, вселити славу в землю нашу. Милость и истина
сретостеся, правда и мир облобызастся. Истина от земли возсия, и
правда с Небес приниче. Ибо Господь даст благодать, и земля наша
даст плод свой. Правда пред Ним предидет, и положит в путь
стопы своя.

Псалом 85

Приклони, Господи, ухо Твое, и услыши мя, яко нищ и убог есмь
аз. Сохрани душу мою, яко преподобен есмь: спаси раба Твоего,
Боже мой, уповающаго на Тя. Помилуй мя, Господи, яко к Тебе
воззову весь день. Возвесели душу раба Твоего, яко к Тебе взях
душу мою. Яко Ты, Господи, благ и кроток, и многомилостив всем
призывающим Тя. Внуши, Господи, молитву мою, и вонми гласу

моления моего. В день скорби моей возвах к Тебе, яко услышал мя еси. Несть подобен Тебе в бозех, Господи, и несть по делом Твоим. Все языцы, елики сотворил еси, приидут и поклонятся пред Тобою, Господи, и прославят имя Твое, яко велий еси Ты, и твориши чудеса, Ты еси Бог един. Настави мя, Господи, на путь Твой, и пойду во истине Твоей: да возвеселится сердце мое бояться имени Твоего. Исповемся Тебе, Господи Боже мой, всем сердцем моим, и прославлю имя Твое в век, яко милость Твоя велия на мне, и избавил еси душу мою от ада преисподнейшаго. Боже, законопреступницы восташа на мя, и сонм державных взыскаша душу мою, и не предложиша Тебе пред собою. И Ты, Господи Боже мой, щедрый и милостивый, долготерпеливый, и многомилостивый и истинный, призри на мя и помилуй мя, даждь державу Твою отроку Твоему, и спаси сына рабы Твоея.

Сотвори со мною знамение во благо, и да видят ненавидящие мя, и постыдятся, яко Ты, Господи, помог ми и утешил мя еси

Слава, и ныне: Аллилуия, аллилуия, аллилуия, слава Тебе, Боже. (Трижды.)

Господи, помилуй. (Трижды.)

Слава: тропарь праздника или святого

И ныне: Богородичен: Иже нас ради рождёйся от Девы, и распятие претерпев, Благий, испровергий смертью смерть, и воскресение явлей яко Бог, не презри, яже создал еси рукою Твоею; яви человеколюбие Твое, Милостиве, прими рождшую Тя, Богородицу, молящуюся за ны, и спаси, Спасе наш, люди отчаянныя.

[Если Великий пост:

Тропарь, глас 8-й:

Иже в девятый час нас ради плотию смерть вкусивый, умертви плоти нашей мудрование, Христэ Боже, и спаси нас.

Стих 1: Да приблизится молитва моя пред Тя, Господи, по словеси Твоему вразуми мя.

Иже в девятый час нас ради плотию смерть вкусивый, умертви плоти нашей мудрование, Христэ Боже, и спаси нас.

Стих 2: Да внидет прошение мое пред Тя, Господи, по словеси Твоему избави мя.

Иже в девятый час нас ради плотию смерть вкусивый, умертви плоти нашей мудрование, Христэ Боже, и спаси нас.

И ныне: Богородичен: Иже нас ради рождёйся от Девы, и распятие претерпев, Благий, испровергий смертью смерть, и

воскресение явлѣй яко Бог, не презри, яже создал еси рукою Твоею; яви человеколюбие Твое, Милостиве, прими рождшую Тя, Богородицу, молящуюся за ны, и спаси, Спасе наш, люди отчаянныя.]

Не предаждь нас до конца, имене Твоего ради, и не разори завета Твоего, и не отстави милости Твоея от нас, Авраама ради возлюбленнаго от Тебе, и за Исаака, раба Твоего, и Израиля святого Твоего.

Трисвятое. Пресвятая Троице: Отче наш:

Кондак праздника, или святого.

[Если Великий пост:

Глас 8-й:

Видя разбойник Начальника жизни на кресте висяща, глаголаше: аще не бы Бог был воплощся, Иже с нами распныйся, не бы солнце лучи своя потайло; ниже бы земля трепещущи тряслася, но вся терпий, помяни мя, Господи, во Царствии Твоем.

Слава: Посреде двою разбойнику, мерило праведное обретесе Крест Твой: овому убо низводиму во ад тяготою хуления, другому же легчащуся от прегрешений, к познанию богословия, Христе Боже, слава Тебе.

И ныне: Агнца, и Пастыря, и Спаса мира, на кресте зрящи Рождшая Тя, глаголаше слезящи: мир убо радуется приемля избавление, утроба же Моя горит, зрящи Твое распятие, еже за всех терпиши, Сыне и Боже мой.]

Господи, помилуй (40 раз).

Иже на всякое время, и на всякий час, на небеси и на земли покланяемый и славимый, Христе Боже, долготерпеливе, многомилостиве, многоблагодарне, Иже праведныя любяй, и грешныя милуяй, Иже вся зовый ко спасению обещания ради будущих благ, Сам, Господи, прими и наша в час сей молитвы, и исправи живот наш к заповедем Твоим, души наша освяти, телеса очисти, помышления исправи, мысли очисти, и избави нас от всякия скорби, зол и болезней, оградь нас святыми Твоими ангелы, да ополчением их соблюдаемы и наставляемы, достигнем в соединение веры, и в разум неприступныя Твоея славы, яко благословен еси во веки веков, аминь.

Господи, помилуй. (Трижды.) Слава, и ныне:

Честнейшую Херувим и славнейшую без сравнения Серафим, без исления Бога Слова рождшую, сущую Богородицу Тя величаем.

Именем Господним благослови, отче.

Молитвами святых отец наших, Господи Иисусе Христе Боже наш, помилуй нас. Аминь.

[Если Великий пост:

Молитва св. Ефрема Сирина:

Господи и Владыко живота моего, дух праздности, уныния, любоначалья и празднословия не даждь ми. (Земной поклон.)

Дух же целомудрия, смиренномудрия, терпения и любви даруй ми, рабу Твоему. (Земной поклон.)

Ей Господи, Царю, даруй ми зрети моя прегрешения и не осуждати брата моего; яко благословен еси во веки веков. Аминь. (Земной поклон.)

12 поясных поклонов с молитвой:

Боже, очисти мя грешного.

И повторяется вся молитва полностью:

Господи и Владыко... Дух же целомудрия... Ей Господи, Царю... (И поклон один земной.)]

Молитва св. Василия Великого

Владыко Господи Иисусе Христе Боже наш, долготерпевый о наших согрешениях, и даже до нынешняго часа приведи нас, вонже на Животворящем Древе вися, благоразумному разбойнику иже в рай путесотворил еси вход, и смерти смерть разрушил еси, очисти нас грешных и недостойных раб Твоих. Согрешихом бо и беззаконновахом, и несмы достойни возвести очеса наша и возрети на высоту небесную, зане оставихом путь правды Твоея, и ходихом в волях сердец наших. Но молим Твою безмерную благодать, пощади нас, Господи, по множеству милости Твоея, и спаси нас имене Твоего ради Святаго, яко исчезоша в суете дни наша, изми нас из руки сопротивнаго, и остави нам грехи наша, и умертви плотское наше мудрование, да ветхаго отложивше человека, в новаго облечемся; и Тебе поживем, нашему Владыце и Благодетелю, и тако Твоим последующе повелением, в вечный покой достигнем, идеже есть всех веселящихся Жилище, Ты бо еси воистинну истинное веселие и радость любящих Тя, Христе Боже наш, и Тебе славу возсылаем, со Безначальным Твоим Отцем, и Пресвятым и Благим и Животворящим Твоим Духом, ныне и присно и во веки веков. Аминь.

ИЗОБРАЗИТЕЛЬНЫ (ОБЕДНИЦА)

Благослові, душе́ моя, Го́спода, и вся вну́тренняя моя́ и́мя святое́ Его. Благослові, душе́ моя, Го́спода, и не забыва́й всех воздая́ний Его. Очища́ющего вся беззако́ния тво́я, исцеля́ющего вся недуги тво́я, избавля́ющего от ислéния живóт твой, венча́ющего тя мило́стию и щедро́тами, исполня́ющего во благо́х желáние твоё: обновится́ я́ко о́рля ю́ность тво́я. Творя́й мило́стыни Госпо́дь, и судьбу́ всем обидимым. Сказа́ пути́ Сво́я Моисе́ови, сыновомъ Изра́иелевым хотéния Сво́я. Щедр и мило́стив Госпо́дь, долготерпели́в и многомило́стив. Не до конца́ прогне́вается, ниже́ во век вражду́ет. Не по беззако́нием на́шим сотвори́л есть нам, ниже́ по грехомъ на́шим возда́л есть нам. Я́ко по высотé небéсней от земли́, утверди́л есть Госпо́дь мило́сть Сво́ю на боя́щихся Его. Ели́ко отстоя́т восто́цы от запа́д, удали́л есть от нас беззако́ния на́ша. Я́коже ще́дрит о́тец сы́ны, ущéдри Госпо́дь боя́щихся Его́. Я́ко той позна́ создáние на́ше, помяну́, я́ко персть есмь. Чело́век, я́ко трава́ дние́ его́, я́ко цвет сéльный, та́ко оцветéт. Я́ко дух про́йде в нем, и не бу́дет, и не позна́ет ктому́ мéста своего́. Мило́сть же Госпо́дня от вéка и до вéка на боя́щихся Его. И пра́вда Его на сынéх сыновъ, храня́щих заветъ Его, и по́мнящих за́поведи Его творити́ я́. Госпо́дь на Небеси́ угото́ва Престо́л Сво́й, и Цáрство Его́ все́ми облада́ет. Благослови́те Го́спода вси Ангели́ Его, си́льнии крѣпостию, творя́щии сло́во Его, услы́шати глас словéс Его. Благослови́те Го́спода вся си́лы Его, слуги́ Его, творя́щии во́лю Его. Благослови́те Го́спода вся дела́ Его, на вся́ком мéсте влады́чества Его, благослови́, душе́ моя, Го́спода.

Слава Отцу́ и Сыну и Святому́ Духу.

Хвали́, душе́ моя, Го́спода. Восхваля́ю Го́спода в животé моём, пою́ Бо́гу моему́, дóндеже есмь. Не надéйтесь на кня́зи, на сы́ны чело́веческия, в нихже́ несть спасéния. Изы́дет дух его́ и возвратится́ в зéмлю свою́. В той день погíбнут вся помышлéния его́. Блажéн, ему́ же Бог Иа́ковль Помо́щник его́, упováние его на Го́спода Бо́га своего́, сотвори́шаго не́бо и зéмлю, мо́ре и вся, я́же в них; храня́щаго и́стину в век, творя́щаго суд обидимым, даю́щаго пи́щу алчущим. Госпо́дь решитъ оковáнныя, Госпо́дь умудря́ет слепцы́; Госпо́дь возводитъ низвѣрженныя, Госпо́дь любитъ пра́ведники. Госпо́дь хранитъ пришельцы́, сира́ и вдову́ при́имет и путь грéшных погуби́т. Воцарится́ Госпо́дь во век, Бог твой, Си́оне, в род и род.

И ныне и присно и во веки веков. Аминь.

Единорóдный Сыне, и Сло́ве Бóжий, безсмёртен Сый и изво́ливый спасéния нáшего рáди воплотíтся от святы́я Богорóдицы и Приснодéвы Марíи, непрелóжно вочеловéчивыйся; распный́ся же, Христé Бóже, смёртию смерть попрáвый, Ед́ин сый Святы́я Трóицы, спрославля́емый Отцú и Свято́му Дúху, спаси́ нас.

[Если Великий пост, начинаем читать изобразительны с «Блаженных»]

Блаженны

Во Цáрствии Твоём помяни́ нас, Гóсподи, егда́ приидеши во Цáрствии Твоём.

Блажéни ни́щии дúхом, я́ко тех есть Цáрство Небéсное.

Блажéни пла́чущии, я́ко тии утéшатся.

Блажéни крóтции, я́ко тии наслéдят зéмлю.

Блажéни áлчущии и жа́ждущии прáвды, я́ко тии насы́тятся.

Блажéни мíлостивии, я́ко тии помíлованы бúдут.

Блажéни чíстии сёрдцем, я́ко тии Бóга úзрят.

Блажéни миротвóрцы, я́ко тии сы́нове Бóжии нареку́тся.

Блажéни изгнáни прáвды рáди, я́ко тех есть Цáрство Небéсное.

Блажéни естé, егда́ понóсят вам, и изженúт, и реку́т всяк зол глаго́л на вы, лжу́ще Менé рáди.

Ра́дуйтесь и веселíтся, я́ко мзда ва́ша мно́га на Небесéх.

Слава, и ныне:

Читается дневное зачало⁴ Апостола и Евангелия, указанное в Церковном календаре.

Помяни́ нас, Гóсподи, егда́ приидеши во Цáрствии Твоём.
(Поклон.)

Помяни́ нас, Влады́ко, егда́ приидеши во Цáрствии Твоём.
(Поклон.)

Помяни́ нас, Святы́й, егда́ приидеши во Цáрствии Твоём. (Поклон.)

Лик небéсный поёт Тя, и глаго́лет: Свят, Свят, Свят Госпóдь Савао́ф, испóлнь не́бо и земля́ сла́вы Твоея́.

Стих: Приступíte к Немú и просветíтся, и лица ва́ша не постыдúтся.

Лик Небéсный поёт Тя, и глаго́лет: Свят, Свят, Свят Госпóдь Савао́ф, испóлнь не́бо и земля́ сла́вы Твоея́.

Слава: Лик святы́х Ангел и Архáнгел, со все́ми Небéсными сíлами поёт Тя, и глаго́лет: Свят, Свят, Свят Госпóдь Савао́ф, испóлнь не́бо и земля́ сла́вы Твоея́,

И ныне: Вéрую во ед́наго Бóга Отцá Вседержíтеля, Творцá не́бу и земл́и, вíдимым же всем и невидíмым. И во ед́наго Гóспода

⁴ Зачало – отрывок из Апостола или Евангелия, читаемого при Богослужении.

Иисуса Христа, Сына Божия, Единородного, Иже от Отца рожденного прежде всех век. Света от Света, Бога истинна от Бога истинна, рождена, не сотворенна, единосущна Отцу, Имже вся быша. Нас ради человек, и нашего ради спасения сшедшаго с Небес, и воплотившагося от Духа Свята и Марии Девы, и вочеловечшася. Распятого же за ны при Понтийстем Пилате, и страдавша, и погребена. И воскресшаго в третий день по Писанием. И возшедшаго на Небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. Во едину Святую Соборную и Апостольскую Церковь. Исповедую едино крещение, во оставление грехов. Чаю воскресения мертвых, и жизни будущего века. Аминь.

Ослаби, остави, прости, Боже, прегрешения наша, вольная и невольная, яже в слове, и в деле, яже в ведении и не в ведении, яже во дни и в ночи, яже во уме и в помышлении: вся нам прости, яко Благ и Человеколюбец.

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Кондаки дневные

[В понедельник, вторник, среду, четверг, пятницу:

*Кондак дня*⁵

Слава: Со святыми упокой, Христе, души раб Твоих, идеже несть болезнь, ни печаль, ни воздыхание, но жизнь бесконечная

И ныне: Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву и потщися на умоление, предстательствующи присно, Богородице, чтущих Тя.

В субботу.

Слава: Со святыми упокой, Христе, души раб Твоих, идеже несть болезнь, ни печаль, ни воздыхание, но жизнь бесконечная

И ныне: Яко начатки естества Насадителю твари вселенная приносит Ти, Господи, богоносных мученики: тех молитвами в мире глубоче Церковь Твою, жительство Твое Богородицею соблюди, Многомилостиве.]

⁵ См. в разделе «Тропари, богородичны и кондаки воскресные восьми гласов»

Господи, помилуй. (12 раз.)

[Если Великий пост:

Господи, помилуй. (40 раз.) Слава, и ныне: Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Именем Господним благослови, отче.

Молитвами святых отец наших, Господи Иисусе Христе Боже наш, помилуй нас. Аминь.

Молитва св. Ефрема Сирина с тремя земными поклонами:

Господи и Владыко живота моего, дух праздности, уныния, любоначала и празднословия не даждь ми. (Земной поклон.)

Дух же целомудрия, смиренномудрия, терпения и любви даруй ми, рабу Твоему. (Земной поклон.)

Ей Господи, Царю, даруй ми зрети моя прегрешения и не осуждати брата моего; яко благословен еси во веки веков. Аминь. (Земной поклон.)

12 поясных поклонов с молитвой:

Боже, очисти мя грешного.

И повторяется вся молитва полностью:

Господи и Владыко... Дух же целомудрия... Ей Господи, Царю... (И поклон один земной.)

Трисвятое. Пресвятая Троице: Отче наш: Господи, помилуй. (12 раз.)]

Всесвятая Троице, единосущная держава, нераздельное царство, всех благ вина, благоволи же и о мне грешнем, утверди, вразуми сердце мое, и всю мою отыми скверну. Просвети мою мысль, да выну славу, пою и поклоняюсь, и глаголю: Един Свят, Един Господь, Иисус Христос, во славу Бога Отца, аминь.

Буди имя Господне благословено отныне и до века. (Трижды, и три поклона.)

Слава, и ныне:

Псалом 33

Благословлю Господа на всякое время, выну хвалу Его во устех моих. О Господе похвалится душа моя, да услышат кротции и возвеселятся. Возвеличите Господа со мною, и вознесем имя Его вкупе. Взысках Господа, и услыша мя, и от всех скорбей моих избави мя. Приступите к Нему и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится Ангел Господень окрест боящихся Его, и избавит их. Вкусите и видите, яко благ Господь: блажен муж, иже уповает на Нь. Бойтесь Господа, вси святии Его, яко

нестъ лишѣния боящимся Его. Бѳгати обнищаша и взалкаша: взыскающии же Господа не лишатся всякаго блага. Приидите чада, послушайте мене, страху Господню научу вас. Кто есть человек хотяй живот, любяй дни видети блага? Удержи язык твой от зла, и устне твои, еже не глаголати лести. Уклонися от зла и сотвори благо, взыщи мира и поженіи. Очи Господни на праведныя, и уши Его в молитву их. Лице же Господне на творящия злая, еже потребити от земли память их. Возваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренных духом спасет. Многи скорби праведным, и от всех их избавит я Господь. Хранит Господь вся кости их, ни единая от них сокрушится. Смерть грешников лютая, и ненавидящии праведнаго прегрешат. Избавит Господь души раб Своих, и не прегрешат вси уповающии на Него.

Достойно есть, яко воистинну блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем. (Поклон.)

Слава (поклон), и ныне: (поклон). Господи, помилуй. (Трижды.) Господи, благослови.

Господи Иисусе Христе Сыне Божий, молитвами Пречистой Твоей Матере, святых славных и всехвальных апостол, преподобных и Богоносных отец наших и святого (празднуемого в этот день) и всех святых помилуй и спаси нас, яко Благ и Человеколюбец. Аминь.

Господи, помилуй. (Трижды.)